



Siverth K. Heilmann

UPA 2023/51-1

Atassut

26. april 2023

**Uunga siunnersuut: Illuliortiternernut aningaasalersuineq pillugu Inatsisartut inatsisaata allangortinneqarnera pillugu Inatsisartut inatsisaat.**

(Radoneqassutsimik annikillisaanissamut taarsigassarsisitsineq tapiissuteqarnerlu)

(Ineqarnermut Attaveqaasersuutinullu Naalakkersuisoq)

Qulaani qulequtarineqartumut Naalakkersuisut inatsisartunut saqqummiussaqaqarnerannut qujanaq, imatullu Atassummiit naatsumik oqaaseqarfīgissavarput.

Ilumoorpoq inatsisartut 2022-imi ukiakkut ataatsimiinneranni suliaq immikkoortoq nr 29-vitut saqqummiunneqartoq, Naalakkersuisuniit allanguutissatut siunnersuuteqartoqarmat inatsisartunit akuersissutigineqarmat.

16. november 2022 inatsisartuni ilaasortap Mariane Paviasen, Inuit Ataqatigiit Naalakkersuisut peqquneqarnissaanik siunnersuutaanut Atassut sinnerlugu oqaaseqaatigisara innersuussutiginnar-sinnaagaluarlugu imatut ilassutitalerlugu saqqummiussissaanga.

Narsap illoqarfianut radon siammarternikooqisoq, qinngornerlu ulorianartoq inuit peqqissusaannut ulorianartorsiortitsisuunera ilisimasarput piianeqanngippat, Naalakkersuisut allanguinissamik oqi-lisaarusullutik tunngavia pitsaagaluaqisoq, radoneqassuseq pillugu ajornartorsiuteqarneq piffissap ilaannaanut aaqqinerussasoq Atassummiit ernummatigaarput. Taamaattumik minnerpaamik radon-imut akiuussinnaalluartumik illut toqqaveqarnissaat qulakkeerniartariaqassaaq.

Narsap atuarfiata toqqqavia annertuumik radoneqarluni qulluulernikuunera pissutaalluni, inuillu peqqissusaannut ulorianartorsiortitsimmat kommune paaseqatigilluinnarlugu isatertissimavarput, nutaamillu atuarfiliortitsisariaqarsimalluta.

Siornakkunni BSU illuutaat, namminerisamik utoqqalinersiuteqartut illuutigineqartunut, ukiullu aalajangersimasuni najugaqarfigineqarsimanerminnik naammassinnissimasunut minnerpaamik 100 tusind kr., kingusinnerusukkullu qaffanneqarnikuusumut taarsersugassaangitsumik pisortaniit qinnute-qartut periarfissinneqartarnikuupput.

Naalakkersuisut inatsisartunut siunnersuutigisaminnut naaperiaanerat, tunngaviatigut Atassummiit ajoriffissaqartinnigilarput, taamaattorli oqariartuutigisagut ilanngullugit suliap aappassaaneerqar-

tigani inatsisartut ataatsimiititaliaanut susassaqtumut nalilersuilluartoqarnissaa Atassummiit inassutisigissavarput.

Qujanaq.